



Bosna i Hercegovina
Federacija Bosne i Hercegovine
Hercegovačko-neretvanski kanton/županija
Ministarstvo trgovine, turizma i zaštite okoliša

Босна и Херцеговина
Федерација Босне и Херцеговине
Херцеговачко-неретвански кантон/жупанија
Министарство трговине, туризма и заштите околиша

Broj: 01-11-469-3/25

Mostar, 22.8.2025.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona”, broj: 4/98, 1/02, 4/07 i 2/13), Odluke Vlade HNK o usvajanju Programa utroška novčanih sredstava predviđenih Budžetom HNK za 2025. godinu Ministarstvu trgovine, turizma i zaštite okoliša s pozicije „Transfer neprofitnim organizacijama”, broj: 01-1-02-1976/25 od 24.7.2025. i tačke VIII Programa, ministar trgovine, turizma i zaštite okoliša objavljuje

JAVNI POZIV

za podnošenje prijava za odabir projekata koji će se finansirati iz sredstava „Transfer neprofitnim organizacijama” utvrđenih Budžetom HNK za 2025. godinu

I

(Predmet javnog poziva)

Predmet Javnog poziva je prikupljanje prijava za dodjelu bespovratnih sredstava za sufinansiranje projekata kao podrška organizacijama civilnoga društva koje su programski usmjerene na rad u području turizma i zaštite okoliša i/ili prirode.

II

(Iznos raspoloživih sredstava)

Sredstva za provođenje javnog poziva obezbjeđena su u Budžetu HNK za 2025. („Službene novine HNK”, broj 4/25) na poziciji Ministarstva trgovine, turizma i zaštite okoliša, organizaciona jedinica 35010001, ekonomski kod 614 300 „Transfer neprofitnim organizacijama” u ukupnom iznosu od 200.000,00 KM (slovima: dvjesto hiljada konvertibilnih maraka i 00/100).

III

(Namjena sredstava)

Namjena sredstva iz tačke II Javnog poziva je jačanje kapaciteta organizacija civilnoga društva i podrška projektima unapređivanja kvalitete okoliša i popularizacije okolišnih tema u javnosti kroz projekte zaštite i poboljšanja statusa voda i vodenih ekosistema te manifestacijama koje promovišu zaštitu i održivo korištenje voda, unapređuju svijest javnosti o važnosti očuvanja vodenih ekosistema i doprinose razvoju lokalnog turizma kroz valorizaciju prirodnih vodnih resursa.

IV

(Prihvatljive aktivnosti)

Sredstva iz tačke II javnog poziva koristit će se za programske aktivnosti kako slijedi:

PROGRAMSKA AKTIVNOST 1

PROJEKTI ZAŠTITE I OČUVANJA VODA I VODENIH EKOSISTEMA u ukupnom iznosu od 120.000,00 KM za sufinansiranje provođenja projekata zaštite i očuvanja voda (npr. čišćenje obala rijeka i jezera uz uključivanje lokalne zajednice i volontera; mapiranje i uklanjanje divljih odlagališta otpada uz obale rijeka i jezera uz uspostavljanje mjera za sprečavanje ponovnog nastajanja

uključivo postavljanje korpi za otpatke na obalama kako bi se smanjilo bacanje otpada u vodotoke; uređenje prostora za odmor uz vodene površine uključujući postavljanje klupa i stolova, kako bi se potaknulo odgovorno korištenje prirodnih resursa; uređenje „eko-turističkih staza” uz rijeke i jezera uključujući čišćenje i obilježavanje staza te postavljanje informativnih tabli sa sadržajem o biljnom i životinjskom svijetu, kulturi, historiji; obnova prirodnih staništa uključujući uklanjanje invazivnih vrsta i sadnju autohtonog bilja uz vodotoke s naglaskom očuvanje ili povećanje bioraznolikosti; pošumljavanje s ciljem sprečavanja erozije tla).

PROGRAMSKA AKTIVNOST 2

MANIFESTACIJE OD ZNAČAJA ZA TURIZAM S FOKUSOM NA VODE I VODENE EKOSISTEME u ukupnom iznosu od 80.000,00 KM za sufinansiranje provođenja manifestacija koje promovišu zaštitu i održivo korištenje voda, unapređuju svijest javnosti o važnosti očuvanja vodenih ekosistema te doprinose razvoju lokalnog turizma kroz valorizaciju prirodnih vodnih resursa (npr. organizacija festivala, sajмова i kulturno-ekoloških dešavanja uz rijeke, jezera, izvore i močvarna područja; održavanje ekoloških regata, kajakaških utrka, rekreativnih događanja na vodi i takmičenja u sportskom ribolovu s edukativnom komponentom; eko-turističke manifestacije s vođenim turama, predavanjima i radionicama o zaštiti voda; obilježavanje međunarodnih dana vezanih za vode npr. Svjetski dan voda, Svjetski dan močvara; manifestacije koje uključuju lokalnu gastronomiju i tradiciju povezanu s vodom i vodnim staništima; multimedijalni i umjetnički programi u funkciji popularizacije ekoloških tema vezanih uz vode).

NAPOMENA: Projekti moraju biti implementirani **isključivo** na području Hercegovačko-neretvanskog kantona, trebaju imati jasnu korist za širu zajednicu i ne mogu se realizovati na privatnim posjedima. Trebaju biti kreirani kao odgovor na specifične potrebe Kantona i/ili lokalne zajednice i određene ciljne grupe, identifikovane projektom. Opći program rada neprofitnih organizacija civilnog društva ne može predstavljati projekt.

V

(Prihvatljivost prijavitelja)

Prihvatljivi prijavitelji jesu neprofitne organizacije s pravnim statusom udruženja upisane u registre udruženje koji se vode kod nadležnih organa na kantonalnom, federalnom ili državnom nivou koja su **programski usmjerena na rad u području turizma, zaštite okoliša i/ili prirode što je jasno navedeno u statutu i rješenju o registraciji**; udruženja koja djeluju najmanje šest (6) mjeseci na području HNK zaključno s danom objave Javnog poziva; udruženja čiji se projekti u cijelosti provode na području HNK; udruženja koje imaju saglasnost/odobrenje mjesno nadležne institucije (jedinice lokalne samouprave, škole, zaštićenog područja,...) za prostor od javnog interesa na čijem području će se provoditi projektne aktivnosti (samo ukoliko se planira aktivnost koja podrazumijeva intervencije na terenu); udruženja koja su ispunila ugovorne obaveze prema Ministarstvu kao davaocu finansijskih sredstava iz sklopljenih ugovora o sufinansiranju za prethodne tri godine (ukoliko su dobijala sredstva); udruženja koje imaju obezbjeđeno vlastito učešće u projektu u visini najmanje 25% ukupne vrijednosti projekta.

VI

(Kriteriji za ocjenjivanje)

Prijave će se ocjenjivati prema sljedećim kriterijima:

- | | |
|---|----------------|
| - relevantnost projekta za zaštitu voda | max. 20 bodova |
| - jasno definisani ciljevi i aktivnosti | max. 15 bodova |
| - realnost i održivost rezultata | max. 15 bodova |
| - kapacitet i iskustvo prijavitelja | max. 20 bodova |

- realnost finansijskog plana projekta max. 15 bodova
- inovativnost i pristup lokalnoj zajednici max. 15 bodova

Maksimalni broj bodova po prijavljenom projektu je 100. Prijavljeni projekt koji u postupku ocjenjivanja ne ostvari najmanje 50 bodova, ne može ostvariti pravo na sufinansiranje.

VII

(Ograničenja visine pojedinačne podrške)

Najniži mogući iznos odobrene podrške po projektu je 1.000,00 KM, dok je najveći iznos 10.000,00 KM. Ministarstvo može odobriti manji iznos od traženog, zavisno o broju prijava i raspoloživim sredstvima.

VIII

(Prednost pri ostvarivanju prava na podršku)

Pod istim uslovima odnosno u slučaju ostvarenog istog broja bodova, prednost pri ostvarivanju prava na podršku imaju: prijavitelji kojima ranijih godina nisu dodjeljivana ova sredstva; prijavitelji kod kojih je žena ovlašteno lice za zastupanje; prijavitelji kod kojih je ovlašteno lice za zastupanje lice mlađe od 35 godina; prijavitelji koji imaju obezbjeđeno sufinansiranje i iz drugih izvora te prijave koje su rezultat umrežavanja dva ili više udruženja ili umrežavanja udruženja s lokalnom zajednicom ili obrazovnom institucijom.

IX

(Dokumentacija za učestvovanje)

Dokumentacija za učestvovanje mora **OBAVEZNO** sadržavati:

1. JP 1_Prijavni obrazac
2. JP 1_Projektni prijedlog
3. JP 1_Obrasc 1 - Izjava o realizaciji projekta
4. JP 1_Obrasc 2 - Izjava o obezbjeđenim vlastitim sredstvima (min 25% ukupne vrijednosti projekta)
5. JP 1_Obrasc 3 - Izjava o ispunjenim ugovornim obavezama prema Ministarstvu za prethodne tri (3) godine
6. JP 1_Obrasc de minimis - potpisana i ovjerena izjava o primljenim de minimis pomoćima i drugim državnim pomoćima
7. Kopija Statuta i/ili rješenja o prvoj registraciji udruženja
8. Izvod iz Registra Ministarstva pravosuđa, uprave i lokalne samouprave HNK ili Federalnog ministarstva pravde, ne stariji od tri (mjeseca) u odnosu na dan objave Javnog poziva
9. Uvjerjenje o poreznoj registraciji (ID - identifikacijski broj)
10. Uvjerjenje o izmirenim poreznim obavezama ne starije od tri (3) mjeseca u odnosu na dan objave Javnog poziva. Udruženja koja nemaju zaposlene trebaju dostaviti izjavu da nemaju zaposlenih, da nemaju neizmirenih poreznih obaveza, obaveza prema PIO/MIO i zdravstvenom osiguranju, ovjereno kod nadležnog organa.
11. Potvrdu/uvjerjenje banke o vlasništvu i broju transakcijskog računa udruženja - ne starija od tri (3) mjeseca od dana objave Javnog poziva
12. Referentnu listu (koja sadrži popis do sada realizovanih projekata), potpisanu od ovlaštenog lica i ovjerenu pečatom udruženja
13. Listu profesionalne sposobnosti i CV voditelja projekta (popis lica koje učestvuju u stručnoj realizaciji projekta kao dokaz posjedovanja dovoljno iskustva, kapaciteta i učesnika za provođenje projekta, potpisan od ovlaštenog lica i ovjeren pečatom udruženja)

Ukoliko žele ostvariti prednost pri ostvarivanju prava na podršku prijavitelji trebaju dostaviti i:

1. Ovjerenu kopiju lične karte kojom se dokazuje da je lice za zastupanje (ovlašteno lice) žena i/ili lice mlađe od 35 godina
2. Izjavu o partnerstvu (umrežavanju) potpisanu i ovjerenu od strane svih partnera u projektu
3. Pismo namjere ili odluka o finansijskoj podršci drugih donatora za sufinansiranje projekta.

Kao **NEOBAVEZNA** dokumentacija može se priložiti svaki dodatni dokument koji može potvrditi vrednovanje kriterija iz tačke VI Javnog poziva. Svi dokumenti koji se prilažu uz prijavu moraju biti originali ili ovjerene kopije **ne starije od 3 (tri) mjeseca** računajući od dana objave Javnog poziva. Ministarstvo nema obavezu vraćanja dokumentacije pristigle na Javni poziv.

X

(Zajedničke odredbe)

a) Način podnošenja prijave

Prijavni obrasci popunjavaju se na računalu i u originalnom ispisu slažu s pratećom dokumentacijom, prema redoslijedu iz tačke IX Javnog poziva. Prijava mora biti uvezana, a sve stranice prijave numerisane i ovjerene pečatom podnosioca prijave i potpisom ovlaštenog lica podnosioca prijave.

Tako pripremljena prijava **dostavlja se u zatvorenoj koverti ISKLJUČIVO putem pošte na adresu**

MINISTARSTVO TRGOVINE, TURIZMA I ZAŠTITE OKOLIŠA HNK

BRAĆE FEJIĆA BB, 88000 MOSTAR

s naznakom

„NE OTVARAJ“ - PRIJAVA NA JAVNI POZIV

**ZA ODABIR PROJEKATA KOJI ĆE SE FINANSIRATI IZ IZ SREDSTAVA „TRANSFER
NEPROFITNIM ORGANIZACIJAMA“ UTVRĐENIH BUDŽETOM HNK ZA 2025. GODINU
PROGRAMSKA AKTIVNOST _____**

Na poledini koverta **OBAVEZNO** je navesti puni naziv podnosioca prijave, adresu i kontakt telefon te ovjeriti pečatom

b) Rok za podnošenje prijave

Javni poziv otvoren je dvadeset (20) dana od dana objave na web stranici Ministarstva i Vlade HNK.

Rok za podnošenje prijave na osnovu Javnog poziva ističe **10.9. 2025.**

c) Razmatranje prijave

Neće se uzeti u razmatranje:

- neblagovremene prijave (dostavljene van utvrđenog roka)
- prijave koje nisu pripremljene na način propisan u tački X alineja a) Javnog poziva (prijavni obrasci nisu popunjeni računalom, nisu priloženi u originalnom ispisu, prijava nije složena po redoslijedu iz tačke IX Javnog poziva, prijava nije uvezana, stranice nisu numerisane i ovjerene na propisani način, koverta s prijavom nije zatvorena, nije adresirana na propisani način, nije dostavljena putem pošte)
- nepotpune prijave (ne sadrže kompletnu dokumentaciju koja se traži Javnim pozivom)
- prijave neusklađene s programskim ciljevima iz Javnog poziva.

d) Donošenje i objava konačne odluke

Najkasnije 30 dana od dana zaključenja Javnog poziva, na prijedlog Ministra konačnu odluku o izboru korisnika sredstava „Transfer neprofitnim organizacijama“ utvrđenih Budžetom HNK za 2025. godinu usvaja Vlada HNK.

Objavom konačne odluke o izboru korisnika sredstava na web stranicama Ministarstva i Vlade HNK, svi podnosioci prijave smatraju se obaviještenim o rezultatima Javnog poziva.

e) Pravo prigovora

Prijavitelji koji smatraju da su oštećeni zbog nepravilnog postupanja tokom postupka dodjele, imaju pravo podnijeti prigovor u roku od osam (8) dana od dana objave konačne odluke. Teret dokazivanja nepravilnog postupanja je na Prijavitelju. Odluku o prigovoru donosi Ministar. Prigovor ne odgađa izvršenje konačne odluke o odabiru i dalje provođenje procedure po Javnom pozivu.

f) Dodatne informacije

U postupku po Javnom pozivu Ministarstvo ne snosi nikakve troškove učesnika Javnog poziva ni odgovornost prema učesnicima u pogledu aktivnosti koje su preduzeli u cilju apliciranja za određeni podsticaj.

Dostavljena dokumentacija se ne vraća podnosiocu prijave.


Sva dodatna pitanja u vezi ovog poziva mogu se postaviti svakim radnim danom u terminu od 11,30 do 13,00 sati na broj telefona 036 552 922.

XI

(Završne odredbe)

S prijaviteljima koje ispune uslove i kriterije za dodjelu sredstava iz ovog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava – udruženja kojima budu odobrena sredstva, obavezna su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.



Ministar

Emil Balavac, s.r.